



Broj:35-01-12-*C18*/19

Datum: 09.10.2019.godine

KANTON SARAJEVO
MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE
n/r Slavice Gorančić

PREDMET: *Odgovori na poslanička pitanja zastupnice u Predstavničkom domu Parlamentarne skupštine BiH Aide Baručija, dostavljaju se*

Poštovani,

S obzirom da su u KJU „Odgojni centar Kantona Sarajevo“ putem Vašeg ministarstva zaprimljena poslanička pitanja zastupnice u Predstavničkom domu Palamentarne skupštine BiH Aide Baručije, a koja se tiču maloljetničkog prijestupništva, preventivnog djelovanja i programa resocijalizacije u Kantonu Sarajevo, po pitanju rada naše Ustanove u ovim oblastima, informišemo Vas kako slijedi;

1. Od početka 2019.godine KJU “Odgojni centar Kantona Sarajevo” je postupao po osnovu 26 sudskih odluka.

a. U 2019.godini zaprimljeno je dvanaest (12) rješenja Općinskog suda u Sarajevu o izricanju odgojne mjere upućivanja maloljetnika u odgojni centar, a realizacija dvije (2) odgojne mjere je prenijeta iz 2018.godine, te nastavljena u 2019. godini:

- četiri (4) odgojne mjere/ izvršene,
- šest (6) odgojnih mjera/ izvršenje u toku,
- četiri (4) odgojne mjere/ realizacija u pripremi.

b. Također, zaprimljeno je devet (9) rješenja kojima je maloljetnicima određen privremeni smještaj u toku trajanja pripremnog postupka, te su upućeni u Odgojni centar i to:

- sedam (7) privremenih smještaja/izvršeno,
- dva (2) privremena smještaja/ izvršenje u toku;

c. U toku 2019.godine zaprimljeno je jedno (1) rješenje Općinskog suda u Sarajevu – Prekršajno odjeljenje, kojim se maloljetniku izriče odgojna mjera upućivanja u odgojno savjetovalište, dok je realizacija dvije (2) odgojne mjere prenijeta iz 2018.godine. U prethodnom periodu sve navedene mjere su izvršene.





2. KJU „Odgojni centar Kantona Sarajevo“ je ustanova čija zakonom određena djelatnost podrazumjeva i individualni preventivni rad sa djecom i maloljetnicima, koji ispoljavaju društveno neprihvatljivo ponašanje i gdje je, prema procjeni Stručnog tima uz primjenu socio-pedagoških i psiholoških metoda rada, moguće uticati na promjenu ponašanja maloljetnika. Paralelno sa navedenim aktivnostima u cilju smanjenja maloljetničkog kriminaliteta na području Kantona Sarajevo realizuju se preventivni projekti i programi.

- a. Individualni preventivni tretmani su se realizovali sa dvadeset i tri (23) korisnika, gdje su podnosioci zahtjeva roditelji maloljetnika (11 zahtjeva od strane majke i 12 zahtjeva od strane oca).
- b. Kroz cjelodnevno zbrinjavanje po zahtjevu/rješenju JU “Kantonalni centar za socijalni rad” realizovan je ukupno trideset i jedan (31) preventivni tretman sa dvadeset i dva (22) maloljetnika.

c. Preventivne programske aktivnosti

Odgojni centar je pored individualnih preventivnih tretmana organizovao i realizovao programe prevencije u cilju smanjenja maloljetničkog prijestupništva na području Kantona Sarajevo. Stručni radnici su realizovali i preventivne projekte i programe u srednjim školama na području Kantona Sarajevo. Ukupan broj učenika u toku 2019.godine, koji je obuhvaćen preventivnim radom kroz realizaciju programskih i projektnih aktivnosti, iznosi 260 učenika srednje škole.

Pored navedenog, realizuju se informativni razgovori sa roditeljima maloljetnika, a u cilju jačanja svijesti roditeljske odgovornosti kao i davanja preporuka i upućivanje istih u adekvatne ustanove.

3. Na osnovu egzaktnih podataka izvršena je evaluacija efekata tretmana maloljetnika na manifestnom i latentnom nivou, te utvrđene značajne razlike prije i nakon tretmana. Utvrđene vrijednosti nakon tretmana znatno su niže u odnosu na vrijednosti prije tretmana što označava bolji rezultat, tj. promjene u smislu boljeg funkcionisanja maloljetnika.

Rezultati ukazuju da su tretmanske intervencije pravilno odabrane, adekvatno usmjerene i dozirane na način da ih maloljetnici koji su upućeni na tretman internaliziraju i prenose u područje svoga djelovanja.





Nadamo se da ćemo u narednom periodu nastaviti sa tendencijom konstantnog poboljšavanja program tretmana i dosadašnju uspješnu saradnju sa institucijama i stručnjacima iz oblasti obrazovanja, socijalne i zdravstvene zaštite, unutrašnjih poslova, pravosuđa i drugih institucija, a sve u zajedničkom interesu prevencije maloljetničkog prijestupništva u Kantonu Sarajevo.

S poštovanjem,

Pripremile: Berina Letić Terović, šef Službe za opšte i zajedničke poslove [REDACTED]
Alma Hadžić, šef Službe za izvršenje sudskih mjera [REDACTED]
Ismira Hadžić, šef Službe za zbrinjavanje djece u stanju potrebe



Dostaviti:

- Naslovu
- a/a.



